




ხაშურის მთაშვე



№29 (160)

23 ივლისი, ორშაბათი,

2018 წელი



ხაშურის მუნიციპალიტეტის საკრებულოს რიგგარეშე სესია

17 ივლისს, გადაუდებელი აუცილებლობიდან გამომდინარე, ჩატარდა ხაშურის მუნიციპალიტეტის საკრებულოს სხდომა. საკრებულოს წევრებმა კენჭი უყარეს და მხარი დაუჭირეს ხაშურის მუნიციპალიტეტის მერიის მიერ ინიცირებულ ორ საკითხს:

1. „ხაშურის მუნიციპალიტეტის 2018 წლის ბიუჯეტის დამტკიცების შესახებ“ ხაშურის მუნიციპალიტეტის საკრებულოს 2017 წლის 15 დეკემბრის №48 დადგენილებაში ცვლილებების შეტანის თაობაზე;

2. „2018 წლის ბიუჯეტით გათვალისწინებული ცალკეული ასივნიებების ფარგლებში განსახორციელებელი ღონისძიებების გეგმის დამტკიცების შესახებ“ ხაშურის მუნიციპალიტეტის საკრებულოს 2018 წლის 17 იანვრის, 2 განკარგულებაში ცვლილებების შეტანის თაობაზე;

ზემოაღნიშნულ დადგენილებაში და განკარგულებაში ცვლილებების მიზეზი გახდა საქართველოს მთავრობის 2018 წლის 11 ივლისის №1397 განკარგულება, რომლის ძალითაც ცვლილება მოხდა „საქართველოს რეგიონში განსახორციელებელი პროექტების ფონდიდან მუნიციპალიტეტისთვის თანხის განყოფილების შესახებ“ საქართველოს მთავრობის 2018 წლის 18 იანვრის №136 განკარგულებაში. ამ ცვლილებით, ხაშურის მუნიციპალიტეტს დამატებით გამოეყო 47 500 ლარი დაბა სურამში, 26 მაისის ქუჩის მონაკვეთზე (ერთ-ერთ ნიხზე) ბეტონის საფარის და სანიაღვრე არხის მოწყობისთვის.

მუნიციპალიტეტის საკრებულოს მორიგი სესია გაიმართა აგვისტოს დასაწყისში.

- ინფრასტრუქტურა -

ქვიშეთს და ზემო ოსიაურს რეაბილიტირებული გზები ექნება

დაბა ქვიშეთში, გზის რეაბილიტაციის პროექტის ფარგლებში, სხვადასხვა სამუშაოებთან ერთად, საგზაო მონიშვნების დახაზვაც მიმდინარეობს.

მოწყობილია 2 200 გრძივი მეტრი გზა და მიმდებარე ჩიხებში- 282 გრძივი მეტრი გზის მონაკვეთები. აღნიშნული გზით ქვიშეთის ადმინისტრაციული ერთეულის და მასში შემავალი სოფლების: ბელეთის, ბულბულისციხეს და მონასტრის 3000 -მდე ადგილობრივი მაცხოვრებელი და სტუმარი ისარგებლებს. მოეწყო სანიაღვრე არხები, ტროტუარები, პროექტი თანადაფინანსების ფარგლებში ხორციელდება და 955 925 ლარს ითვლის.

აქტიურად მიმდინარეობს ზემო ოსიაურში გზის მოწყობის სამუშაოებიც.

აღნიშნული გზით სოფლების: სატივეს, ახალსოფლის, გომის, ხიდი-სყურის, ზემო ოსიაურის და ქვემო ოსიაურის 4000-ზე მეტი მოსახლე ისარგებლებს.

პროექტით 3კმ-დე გზის მონაკვეთის მოწყობაა გათვალისწინებული. პროექტის მთლიანი თანხა 913 449 ლარს ითვლის. გათვალისწინებულია სანიაღვრე არხების მოწყობა.

მნიშვნელოვანია, რომ მუნიციპალიტეტში მიმდინარე სამუშაოებს მუდმივად აკონტროლებენ მერიის ზედამხედველობის და ინფრასტრუქტურის სამსახურები, რათა დაცული იყოს ის სტანდარტები და ნორმები, რაც პროექტითაა გათვალისწინებული.



სურამში, ეხსია უერაინუას და წმინდა მარიამის ქუჩების რეაბილიტაცია დაიწყო

ხაშურის მუნიციპალიტეტში ახალი ინფრასტრუქტურული პროექტების განხორციელება დაიწყო. დაბა სურამში, წმინდა მარიამის ქუჩის და ეხსია უერაინუას ქუჩების რეაბილიტაციის სამუშაოები თანადაფინანსებით ხორციელდება.

წმინდა მარიამის ქუჩის მოასფალტების სამუშაოები, ჯამში 212 875 ლარს ითვლის და 670 გრძივი მეტრი გზის მოწყობას ითვალისწინებს, ხოლო ეხსია უერაინუას ქუჩის მოასფალტება 282 145 ლარს ითვლის და 830 გრძივი მეტრი გზის მოწყობას ითვალისწინებს. ამ ეტაპზე დამთავრებულია ქუჩების მოხრეშვა და მიმდინარეობს მოსწორებითი სამუშაოების შემდეგაც დაიწყება ასფალტის დაგება.

ორივე ქუჩის პროექტი საბოლოო სახეს სექტემბრის დასასრულს მიიღებს, რაც მკვეთრად გააუმჯობესებს ადგილობრივი მოსახლეობის საყოფაცხოვრებო პირობებს.

პროექტის ფარგლებში, მოეწყო სანიაღვრე არხებიც.

ინფრასტრუქტურული სამუშაოები, მთელი მუნიციპალიტეტის მასშტაბით, აქტიურად გაგრძელდება და მოსახლეობის ინტერესებიდან გამომდინარე, არაერთი მნიშვნელოვანი საკითხი გადაწყდება.



ხაშურს, უახლოეს მომავალში, თვალის კლინიკა შეემატება

უკვე ორი წელია, რაც ჯავრიშვილის კლინიკა „ოფთალმიჯი“ რეგიონის მოსახლეობასთან ჩადის და ადგილზე ეწევა მათ კვლევა-დიაგნოსტიკას და საჭიროების შემთხვევაში, ოპერაციების ჩატარებას. პროგრამა ძირითადად პენსიონრებისათვის და სოციალურად დაუცველებისთვის შეიქმნა, თუმცა შეზღუდვები მოსახლეობის არც სხვა კატეგორიას აქვს. ამ ეტაპზე, ჩვენი მუნიციპალიტეტის 230-მდე ბენეფიციარმა ადგილზე გაიკეთა ოპერაცია. ბევრისთვის ეს ინფორმაცია, დღემდე არაა ცნობილი, ამიტომ, გადავწყვიტეთ, „ოფთალმიჯის“ რეგიონულ მენეჯერს, ელისო მეცხვარიშვილს გავსაუბრობოთ და დეტალურად გაგვეგო, თუ რაში მდგომარეობს მათი ორწლიანი პროგრამის მნიშვნელობა:

- ქალბატონო ელისო, გვიამბეთ პროგრამის შესახებ...
 - ეს პროგრამა არის საყოველთაო ჯანდაცვის პროგრამა, რომელიც საშუალებას გვაძლევს, ადგილზე მოვემსახუროთ ისეთ პაციენტებს, რომლებსაც ნაკლები წდომა აქვთ თბილისთან, ან ასაკის ან სხვა მიზეზთა გამო, ეს შესაძლებლობა არ აქვთ. რაც შეეხება ოპერაციებს, საბედნიეროდ, ჯანდაცვის საყოველთაო პროგრამა აფინანსებს საკმაოდ ძვირადღირებულ ოპერაციებს, რომლის ღირებულებაც 980 ლარია. ამ ეტაპზე, ამ აქციის ფარგლებში, თითქმის მთელ საქართველოს მოვიცავთ.
 - რამდენად ხელმისაწვდომია მოსახლეობისთვის თქვენი მომსახურება?
 - დამერწმუნეთ, ნამდვილად დიდი კომფორტია მოსახლეობისთვის, რომ დამატებითი ძალისხმევის და ფინანსური დანახარჯის გარეშე, მათსავე მუნიციპალიტეტში, იღებენ იგივე სერვისს, რაც თბილისში გვაქვს. მინდა გითხრათ, რომ გვაქვს პაციენტების თანადაფინანსების შემთხვევებიც ხაშურის მერიის მხრიდანაც. თუმცა, ოპერაციის შემთხვევაში, დასამატებელი თანხა, მათი მხრიდან, არც ისე დიდია, პენსიონრების შემთხვევაში, ესაა - 83,75 ლარი, სოციალურად დაუცველების შემთხვევაში - 17, 50 ლარი. ეს გამოდის 70% პენსიონრებზე, 100% სოციალურად დაუცველებზე. უბრალოდ, თანხის დამატება იმიტომ უწევთ,



რომ ჩვენი ხელშეკრულების თანხა აღემატება არეალს. გვაქვს კლებაც, მანამდე პენსიონრები 107 ლარს იხდიდნენ, სოციალურად დაუცველები - 42 ლარს, დღეისთვის, ეს თანხა, როგორ ხედავთ, საგრძობლად შემცირდა.
 - როგორც ვიცი, ეს თქვენი პირველი ვიზიტი არაა ჩვენს მუნიციპალიტეტში...
 - ჩვენ უკვე ორი წელია აქტიურად ვმუშაობთ ხაშურში. გვაქვს კარგი ამბავიც, ხაშურში, ვაკეთებთ კლინიკას, სადაც მოხდება პაციენტების მიღება და სრულყოფილი სამედიცინო მანიპულაციების ჩატარება



- ხაშურის მერია რა ფორმის თანადგომას გიწევთ?
 - ჩვენი ხაშურში ჩამოსვლის პირველივე დღიდან, თანადგომა გამოგვიცხადა მუნიციპალიტეტის მერიამ. დაგვაკვლიანეს, დაგვითმეს შენობა. როცა არის შემთხვევა, რომ პაციენტს ინდივიდუალურად ჭირდება ფულადი თანადგომა, ყოფილა დაფინანსების შემთხვევებიც.
 - გარდა ოპერაციისა, სხვა რა მომსახურებას იღებს პაციენტი?
 - ოპერაციამდე ხდება პაციენტის გასინჯვა, მდგომარეობის შეფასება. დიაგნოზის დასმის შემდეგ, ინიშნება ოპერაცია. კავშირი არც ოპერაციის შემდეგ წყდება, ან ოპერაციებ პაციენტებს ვსინჯავთ და ვაკვირდებით მიმდინარე პროცესს. საჭიროების შემთხვევაში, გუწევთ შესაბამის დახმარებას. ადგილზევე ხდება საჭირო დოკუმენტაციის მომზადება დასაფინანსებლად - ეს დამატებით კომფორტია პაციენტისთვის - მხოლოდ მოდის, ხდება მისი გასინჯვა და შემდეგ უკვე ელოდება დაფინანსების პასუხს.
 - თუ გაქვთ მონაცემები, რამდენ ადამიანს ჩაუტარდა ოპერაცია ჩვენს მუნიციპალიტეტში?
 - ორი წლის მანძილზე, დღევანდელი მონაცემებით, 208 ოპერაციაა გაკეთებული, დამატებით დღევანდელი II პაციენტი და რამდენიმე ოპერაცია სამომავლოდ კიდევ დაგეგმილია. დიდი მადლობა ხაშურის მოსახლეობას ნდობისთვის. სულ მალე, მათ ახალ, კომფორტულ გარემოში მოვემსახურებით.
 დამეთანხმებით, მსგავსი ტიპის აქციები და პროგრამები, რომელიც ხელმისაწვდომია მოსახლეობისთვის, მათ კეთილდღეობას და ჯანმრთელობას ემსახურება, სასურველი და მისასალმებელია.

თ. ჯავახიშვილი

მიხეიდ ხაჩიძე - კაცი, რომლისწაირებზეც სოფელი დგას

მიხელ ხაჩიძე მაღალმთიანი სოფლის ციფრულ მკვიდრია. ეს იმ სოფელთაგანია, სადაც კერა მხოლოდ რამდენიმე ოჯახმა არ გააძვირა. დანარჩენებმა, მთიდან ბარში, უკეთესი მომავლის საძებრად გადაინაცვლეს. დიდი მეურნეობა არ აქვს, რამდენიმე მიახედზე მარწყვი მოჰყავს, სხვადასხვა კულტურებს საკუთარი საჭიროებისთვის თესავს. მიუხედავად იმისა, რომ მაღალმთიანი სოფლებს, კლიმატი იშვიათად წყალბოს, სტიმულს ვერც მეზობლები აძლევენ, არასდროს უფიქრია დაეტოვებინა და წასულიყო. ოჯახური მცირე ბიზნესი მოიწყო და გაფართოებაზე, ახალი კულტურების გაცნობა-მოყვანაზეც დაიწყო ფიქრი:



- სოფელ ციფრულში ვცხოვრობ, მაღალმთიანია. 20 წელია მარწყვი მოგვყავს, 35 მეთავე ზეა გაშენებული, სხვა კულტურა იმ ადგილზე არ მოვიდოდა და იმიტომ გადავწყვიტე მარწყვის დარგვა. ამ ეტაპზე ორი ჯიშის მარწყვი მაქვს, დანარჩენმა ვერ გაუძლეს კლიმატს, არც ნიადაგი აღმოჩნდა ხელსაყრელი. მორწყვის საშუალება გვაქვს, ბუნებრივი წყაროებით, ხან ბუნებაც გვწყალობს. ჩვენთან მარწყვი უფრო გაამართლა, თითქმის ოჯახურად გუვლით, საკუთარი ძალებით, დასაკრეფად

ვისმარ ხოლმე ორ მეზობელს. ადგილობრივ ბაზარზე, არასდროს გამიყიდა, თბილისში მიმაქვს. ყოფილა წელი, როცა მისავალი I ტონამდე იყო, მაგრამ ეს იშვიათად. გარდა მარწყვისა, ვენახიც მაქვს, ხოლო სხვა დანარჩენ კულტურებს, ოჯახისთვის მოვიხმარ. სამომავლოდ, ვფიქრობ უოლოსი და მყვლის გაშენებას, მშრომელი კაცი არასდროს გაჩერდება, სადაც არ უნდა იყოს. ყველამ რომ დავტოვოთ ჩვენი სახლები, სოფლები დაცარიელდება, ქვეყანას კი შენება და დოვლათის შექმნა ჭირდება.
 ასე ფიქრობს და მთელ თავის ენერჯიას ახმარს სოფელს, საქმეს, რომელიც უყვარს და რომლის იმედიც აქვს. ოჯახი, სოფელი და ქვეყანა, მისწაირი ადამიანების მხრებზე დგას.



- მუსიკალური სტუდია -

„ჯადოსნური ქალაქი“ გუმინ, დღეს, ხვალ...

ცოტა ხნის წინ, ჩვენს ქალაქში სტუდია „ჯადოსნური ქალაქისა“ და მისი ყოფილი აღსაზრდელის თეკლა ხარაზიშვილის ერთობლივი კონცერტი გაიმართა. კონცერტი ბევრი რამით იყო გამორჩეული, საოცარი მუსიკის და ბავშვების საოცარ შესრულებასთან ერთად, ისეთი დიდი მუსიკოსები და კომპოზიტორები სტუმრობდნენ, როგორებიც ნუნუ გაბუნია, მარიკა კვალაიაშვილი, გია მაჭარაშვილი და ნინო ბოჟაძეა. შთაბეჭდილებებსა და შეგრძნებებზე დღესაც საუბრობენ ხაშურში. ამ ყველაფრის სულისჩამღვამელი კი ჩვენი ქალაქისთვის კარგად ცნობილი და საყვარელი მუსიკოსი **ხათუნა ლვალაძეა**. მის პროფესიონალიზმზე, ყოველთვის მისი კონცერტები და ბავშვების მომზადების მაღალი დონე საუბრობს. მის მიერ შექმნილი საბავშვო სტუდია „ჯადოსნური ქალაქი“, ჯერ მხოლოდ არსებობის ხუთ წელს ითვლის და უკვე უჭირავს გამორჩეული ნიშა საბავშვო სტუდიებს შორის. თუ რა გახდა მიზეზი სტუდიის შექმნის, რატომ არ შეეშინდა ჩვენს ქალაქში არსებული კონკურენციის, რითი არიან გამორჩეულები, ქალბატონი ხათუნა ისაუბრებს:

— მიუხედავად იმისა, რომ ჩვენ ქალაქში ბევრი საბავშვო სტუდიაა, კონკურენციის არ შეშინდება, რადგან ვთვლი, რომ ეს საქმე მუსიკოსმა უნდა ააკეთოს. დავიწყე ამაზე ფიქრი, ასევე მუსიკოს და ჩემს კოლეგა ინგა ხრიკაძესთან ერთად, რაც მალევე მოვიყვანეთ სისრულეში, ოღონდ, თავდაპირველად, მუსიკალურ-თეატრალური წრის სახით ჩამოვყავალიბეთ და დავიწყეთ ბავშვების მიღებაც. არც ბავშვების შეგროვება გაგვძნელებია, რადგანაც უკვე კარგად გვიცნობდნენ, იცოდნენ ჩვენი პროფესიონალიზმი და 25 ბავშვი მაშინვე მივიღეთ. პირველად „ვერის უბნის მელოდიები“ გავაკეთეთ და მოვარგეთ ბავშვებს. მცდელობამ გაამართლა, მუსიკალური სკოლის მცირე დარახში შედგა ჩვენი ბავშვების პირველი გამოსვლა, რამაც ძალიან დიდი მოწონება დაიმსახურა. ამის შემდეგ, უკვე მივეცი სტუდიის



სახე. მუსიკალურმა სკოლამ დაგვიტომა პატარა ოთახი, სადაც გვაქვს სტუდია.

- მსურველ ბავშვებს მათი მუსიკალური შესაძლებლობის მიხედვით არჩევთ?
- ყველა მსურველს შეუძლია მოსვლა, თუმცა, დაახლოებით ორ თვეში, ბავშვი თვითონვე ხვდება, რამდენად სწორად მოვიდა. ჩვენ სტუდიაში არიან ბავშვები, რომლებსაც კარგი მუსიკალური მონაცემები აქვთ და მეც ამის გაძლიერებაში ვეხმარები, არის მეორე კატეგორია, ვისაც თეატრალური ნიჭი აქვს-ვეცილობ, მათი შესაძლებლობების ფარგლებში განვავითარო.
- რას სწავლობენ თქვენთან ბავშვები?
- შესაძლებელია პირის აპარატის დამუშავება, რიტმულ-ინტონაციური ვარჯიშების გამძლეობა, სმენის დამუშავება ყოველდღიურად. მაქვს ასაკობრივი ჯგუფები და



ვეცილობ, ძლიერი მონაწილეები თანაბრად გადავანაწილო სამივე ჯგუფში.

- რა ასაკიდან მიიღებიან მოსწავლეები?
- 4-დან 6 წლამდე, 6-დან 9 წლამდე და 9-დან 12-მდე-ესაა უკვე ჯგუფებად გადაანაწილება, ძირითადად, ოთხი წლის ზემოთ ბავშვები მოჰყავთ. 4 წლის ბავშვებთან მაქვს ასეთი პროგრამა, რომელიც მათ წახალისებს ითვალისწინებს. როდესაც ასაკიდან გამომდინარე, არ სურთ სიმღერა, მაქსიმალურად ვეცილობ, სხვადასხვა მეთოდებით, წავახალისო. ასეთი პატარებისთვის რამდენიმე მუსიკალური ვიდეორგოლიც კი გვაქვს გადაღებული.
- როგორ რეპერტუარს ანიჭებთ უპირატესობას?
- რეპერტუარი საბავშვოა და მათ ასაკზეა მორგებული. ძალიან მოწონთ ბასტი-

ბუბუს რეპერტუარი, ვეცილობ, რომ ჩვენი ინტერპრეტაციით გავაკეთოთ ყველა სიმღერა. გვაქვს ჩვენი ფონოგრამები, რომელსაც ძალიან კარგი სპეციალისტი ნიკა ბოლოკაძე გვიკეთებს. ვაუა დურგლიშვილის, გოგი ცაბაძის, კახა ცაბაძის, „ზზიურის“, მერაბ მერაბიშვილის, ნუნუ გაბუნიას და სხვა კომპოზიტორების საბავშვო სიმღერები გვაქვს და ვაკეთებთ თვითონ ბავშვზე, ინდივიდუალურად მორგებულ სიმღერებს და ფონოგრამას. შეიძლება ბავშვი ძალიან კარგად არ მღეროდეს, მაგრამ გახდეს კარგი მსმენელი. სტუდიაში ერთგვარი თერაპიული კურსიც გვაქვს, ბავშვს, რომელსაც არ უნდა სიმღერა, შეუძლია ხატოს და პარალელურად, ჩაერთო რომელიმე ცნობილი კლასიკოსის საბავშვო ნაწარმოები, რომელიც კარგად მოქმედებს მისი უნარების გამოუმუშავებაზე, რაც ძალიან კარგ შედეგს იძლევა და ეს ყველაფერი მოიტანა მუშაობამ.

- წლებადნელი წელი რითი იყო გამორჩეული?
- წელს იყო ძალიან ნაყოფიერი წელი ჩვენი სტუდიისთვის, თუ რამე ჩატარებულა ჩვენს ქალაქში, ყველა ღონისძიებაში მივიღეთ მონაწილეობა-ბავშვს სჭირდება სცენასთან ურთიერთობა, რის შესაძლებლობასაც ნამდვილად ვაძლევ ბავშვებს. მაღლობა მინდა ვუთხრა ქალბატონ ლალის, ხშირად გაუღია ჩემთვის დიდი დარბაზის კარი და შევესულვარ. წელს 3 კონცერტი გავმართეთ ფორტეპიანოზე შესრულებით კაფე „მელბროსში“, ძალიან კარგი გამოვიდა და გაამართლა კიდევც-ამ ხუთი წლის მანძილზე, მაქვს 12 მუსიკალური ვიდეო რგოლი ბავშვებისათვის, რაც არაა ცოტა.
- თქვენ სტუდიაში სწავლა, რამდენად ხელმისაწვდომია მოსწავლეებისთვის
- ჩვენთან სწავლა ძალიან ხელმისაწვდომია, გაკვეთილი კვირაში ორჯერაა და მოსწავლეებისთვის გათვალისწინებული გვაქვს სხვადასხვა შეღავათებიც.
- ახალ თაობაზე რას გვეტყვი, რამდენად ნიჭიერები არიან?
- ძალიან ნიჭიერები, გონიერები და ობიექტურები არიან. ძალიან კარგად აფასებენ საკუთარ და სხვის შესაძლებლობებს. ხშირად, არჩევანს, თვითონ ბავშვებს ვაკეთებინებ ერთმანეთის მიმართ და ჩემდა გასაოცრად, ძალიან ობიექტურები არიან. უესტიკულაციებს, ემოციებს და ქორეოგრაფიულ გადაწყვეტებსაც თვითონ აკეთებენ. რადგან ხედავენ, რომ მეც თანამონაწილე ვარ ყველა პროცესის, ეს უფრო დიდ სტიმულს უნენთ.
- როგორც ვიცი, წლებადნელი წელი კონცერტითაც იყო გამორჩეული, რომელზეც დღესაც საუბრობენ ჩვენს ქალაქში...

წელს იყო თეკლა ხარაზიშვილის კონცერტი. ჩემი სტუდიის გაზრდილია, რამდენჯერმე წარმატებით მიიღო მონაწილეობა კლასიკურ ფესტივალში „მომავლის ვარსკვლავები“, ფორტეპიანოს განხრით. საკმაოდ იმედისმომცემი მოსწავლე იყო, თუმცა ამ კუთხით არ წასულა. რამდენიმე წლის შემდეგ, მოვუსმინე და გადავწყვიტეთ, გაგვეკეთებინა კონცერტი ქართული რეპერტუარით, რამდენიმე თვე ერთად ვიმუშავეთ და ჩემი მეგობრების დახმარებით მუსიკალური სამყაროდან, შევქმენით მარიკა კვალაიაშვილის, ნუნუ გაბუნიას, გია მაჭარაშვილის, ნინო ბოჟაძის ჩამოყვანა. ეს კონცერტი „ერთსულოვნების“ ტელევიზიამაც გააშუქა. კონცერტი ერთ საათს გაგრძელდა, სულ 17 ნომერს მოიცავდა, ვეცადე, არ გადამეღალა მაყურებელი და მხოლოდ სასიამოვნო განცდებით წასულიყო. რამდენიმე ნომერი, თეკლასთან ერთად, სტუდიის ბავშვებმაც შეასრულეს. გავაკეთეთ „ვერის უბნის მელოდიებიდან“ ერთობლივი პოპური, რამაც ძალიან დიდი მოწონება დაიმსახურა. სადამო ინგა ხრიკაძეს მიჰყავდა, რომელმაც ძალიან დიდი დახმარება გამოიწია კონცერტის ორგანიზებაში.

- სამომავლო გეგმები თუ გაქვთ უკვე?
- უკვე დამიკავშირდა რამდენიმე მუსიკოსი, რომლებმაც შემომთავაზეს ერთობლივი კონცერტები. მე ვფიქრობ, რომ მომავალ წელს, უკეთეს კონცერტს შევთავაზებთ საზოგადოებას. დეტალებზე საუბრისგან, ამ ეტაპზე, თავს შევიკავებ.
- დამეთანხმებით, ხუთი წელი არაა ის დრო, მაქსიმალურად აჩვენო შენი შესაძლებლობები, თავი დაამახსოვრო და შეაყვარო შენს ქალაქს. „ჯადოსნურმა ქალაქმა“ კი ეს ნამდვილად შეძლო და სექტემბრიდან ელოდება ახალ მსურველებს ახალ „ჯადოსნურ ქალაქში“ „საცხოვრებლად“.

თ. ჯავახიშვილი

„ერთმანეთისაკენ ფეხებით მიქცეულნი. დღამიწის დიამეტრულად საწინააღმდეგო პუნქტის მცხოვრებნი“ – ასეთია ამ სიტყვის განმარტება უცხოურ სიტყვათა ლექსიკონში. მათი არსებობის შესახებ დავა საუკუნეების განმავლობაში გრძელდებოდა. ასე იყო ანტიკურ ხანაში და ადრინდელ ქრისტიანულ ეპოქაშიც. ეს საკითხი შუა საუკუნეებში საეკლესიო დოგმის სტატუსად იქცა. ანტიპოდების მომხრეებს მწვალებლებად აცხადებდნენ და კოცონზე წვავენ. დავას ბოლო მოეღო XV-XVI სს დიდმა გეოგრაფიულმა აღმოჩენებმა. მაგრამ ტერმინი დარჩა და დღეს საპირისპირო თვისებების ან შეხედულებების ადამიანებს უწოდებენ.

ასეთებს ერთი აზრი აწუხებთ - კარგი არაფერი დაინახონ დღევანდელობაში, მომავალსაც აღმაცერად უცქირონ და გამუდმებით მოახდინონ წარსულის იდეალიზაცია. ისინი საშიში ხალხია. ჭკუა არ უჭრით, მაგრამ ენა მათრახივით აქვთ. თითქოს ყველაფერი იციან: ვინ რას აკეთებს, სად რა ხდება. ისე დაბეჯითებით მოგიტყვიან ახალ ამბავს, თითქოს მას გადახდენოდეს თავს. იცის, ვინ ქრთამი აიღო, თან – რისთვის და რამდენი. არაფრის გამკეთებელია, მხოლოდ ლაპარაკობს, ან იძიებს, რას აკეთებენ სხვები. მას მრავალმნიშვნელოვანი

და ბევრგან აიგო წყალმოვარდნის საწინააღმდეგო ჯებირები. ამავე მდინარეზე აიგო რამდენიმე (4) კაპიტალური ხიდი და, რაც მთავარია, ისე ხარისხიანად, რომ მოსახლეობა გახარებული იყო „რა კარგად აკეთებენო“. თუ ადრე, ღამე ქუჩაში ვერ გაივლიდი, სიბნელის გამო, დღეს ყველა სოფელში ღამის ნათებაა. მოსახლეობა უზრუნველყოფილია უდიდესი სიკეთით, ცისფერი გაზით.

ანტიპოდები

მიმდინარეობს დიმიტრი ყიფიანის სახლ-მუზეუმის რესტავრაცია. სულ ჩქარა გვექნება რესპუბლიკური მნიშვნელობის კულტურის კერა.

ბიზნესმენ ვალერი გელაშვილის თაოსნობით და ფინანსებით, მოხდა სუმბათაშვილების სასახლის აღდგენა. აქვე გრძელდება აბაშიძეების ციხე-სიმაგრის და გალანის რესტავრაცია. ვფიქრობ, უახლოეს ხანში, დიმიტრი ყიფიანის სახლ-მუზეუმი და აბაშიძეების ციხე-სიმაგრე ტურისტთა და მნახველთა მიზიდულობის ცენტრი გახდება. აშენდა და გაიხსნა საბავშვო ბაღი...

და ბოლოსთვის შემოვინახე გზები: სოფლის შემოსასვლელიდან ბუღბუღისციხისკენ მიმავალ გზაზე, ღონდაკეების უბნამდე, დაახლოებით 2,5 კილომეტრზე, დაიგო ასფალტი. სოფლის ცენტრამდე შეკეთდა სანიაღვრეები და ერთ კილომეტრზე გააკეთდა ახალი. აქვე მოეწყო ფეხით მოსიარულეთა ბილიკი. ამჟამად ქვიშხეთში იმდენად ღამაზი და კეთილმოწყობილი შემოსასვლელია, რომ რესპუბლიკის ვერცერთ სოფელში ვერ ნახავთ უკეთესს. ბუღბუღისციხის გზის გაყოფებით, თითოეული ოჯახის შესასვლელამდე მოასფალტდა გზა.

ეს ყველაფერი უკანასკნელ წლებში მოხდა. რაც არ გაკეთებულა ათეულობით წლების განმავლობაში, 5-6 წელიწადში განხორციელდა. ფაქტი სახეზეა. ინგლისელები ამბობენ, ფაქტი ჯიუტიაო, მაგრამ ანტიპოდს ეს ფაქტები გინდა ცხვირწინ აუფრიალე, გნებავთ, ძალით ჩატენეთ ტვინში, მაინც არაფერი გამოვა. აბა მოუსმინეთ! „ერთი მეტრიც რომ მოემატებინათ სივანეში, კარგი იქნებოდა“, „მერე ჯიბეში რაღა ჩაეღოთ?“, „აფსუს, რა ფული გაკეთდა!“, „გეგმით ბუღბუღისციხემდე და შოლის ხილამდე უნდა დაეგოთ და არ გააკეთეს“, „აფსუს, კომუნისტები?“, „ნახონ ერთი, ბორჯომში რა გზებია?“ (არ იციან ბორჯომის ბიუჯეტი 20 მილიონამდე რომ არის, ხაშურისა 12 მილიონი, თანაც ხაშურის მუნიციპალიტეტი ორჯერ დიდია ბორჯომისაზე).

არ იფიქროთ, ეს ადამიანები ბევრი იყვნენ. ცოტანი არიან, მაგრამ საშიში იმით, რომ ირგვლივ ყველას და ყველაფერს წამლავენ, ცუდ სასიათზე გაყენებენ. ცოტანი, მაგრამ ყველგან არიან: ოჯახში, სოფელში, ქალაქში, ქვეყანაში, პარლამენტში თუ ხელისუფლებაში.

ისინი ეგოცენტრიკოსები არიან. ბედნიერება მათთვის მხოლოდ ერთ ასპექტშია: კარგი, კარგად გაკეთებულის, გონივრული აზრის გაკილევა და განქიქება. მათ საქციელში, მხოლოდ შურის, ბოღმის და სიავის თესლი ურევია. მეგობარი არ ჰყავთ, იეზუიტებს ჰგავნან. მოელი დღე დატუსტუსებენ, სადაც ორ, ან მეტ კაცს დაინახავენ, იქ ამოყოფენ თავს, ხარბად ისრუტავენ გაგონილს და მერე უკუღმა ავრცელებენ. არაჭკმმარიტი, არასრულფასოვანი და ამდენად უდღეური უპერსპექტივო ხალხია.

მათ ნათქვამს ჯერ კიდევ ძალა აქვს, მაგრამ სამართლებრივი, დემოკრატიული, მოქალაქეთა საზოგადოების ჩამოყალიბების, შექმნის შემდეგ მათ აღარავინ მოუსმენს. მანამდე კი ერთი გონიერი ადამიანის ნათქვამით ვინუგემოთ თავი: „ძალი კყეფს, ქარავანი მიდის“.

კლიმენტი სუთიაშვილი



იდუმალებით მოსილი გამომეტყველება აქვს, ისეთი, განსაკუთრებული მისიით აღჭურვილ პიროვნებას რომ შეეფერება...

მათ წერილის დასასრულს კიდევ შევეხები. ახლა იმას მოგახსენებთ, რამ დამაწერინა ეს წერილი.

უკანასკნელ წლებში, ქვიშხეთის თემის სოფლებში და თვითონ ქვიშხეთში ბევრი კარგი სასიკეთო ძეგლები მოხდა ინფრასტრუქტურული განვითარების გზით, სადაც წინა პლანზე სოციალურმა შინაარსმა წამოიწია: გაუმჯობესდა სოფლების სასმელი წყლით მომარაგება. გიგანტური უბანში გაკეთდა საკმაოდ რთული ნაგებობა და 100-მდე ოჯახი 24 საათი მარაგდება წყაროს წყლით. მოგვარდა ნაგვის გატანის პრობლემა. გაიწმინდა მდინარე შოლას კალაპოტი

- ახალი ლექსები -

ია ჩემს ეზოში მღერის

სულ მალე, დღის სინათლეს იხილავს ლექსების ახალი კრებული, რომლის ავტორი ნატალია კიკაძეა. ქალბატონი ნატალია ხაშურის მუნიციპალიტეტის საკრებულოს წევრია და მიუხედავად იმისა, რომ მის ცხოვრებაში პოლიტიკას დიდი ადგილი უჭირავს, კანონმდებლობითი საქმიანობის გარდა, შემოქმედებისთვისაც იცლის და მშვენიერი ლექსებითაც ამდიდრებს ქართულ პოეზიას. დღეს ჩვენს მკითხველს მის ორ ლექსს ვთავაზობთ დასაბეჭდად გამზადებული კრებულიდან.

ეჰ, გულო, ჩემო...

ჩამოვეკიდე სულს ბოლო ყუნწზე და საკინძეზე შემახმა სისხლი, კვალი ლაქებად ატყვია მიწას, როგორც თეთრ სარკმელს ყინულის ჭირხელი.

ქვემოთ მეძებდა ადამის მიწა, იესოს ზეცა მელოდა ზემო, სად ვიყავ, სად ვარ?... არ ვიცი, ვფიცავ, გაითხო? - რას მეტყვი, ეჰ, გულო, ჩემო!..

სამყაროს შორის ეს სუსტი ძაფი, ვატყობ, იქცევა ალბათ ისრებად, ვგრძნობ მწუხრის ჟამებს, ახლოს არიან და სულიც, ალბათ, გადანისლდება. მხოლოდ განთიადს მოაქვს ნიაფი, ელექსირად რომ მიწას ედება, სული კი უცდის, როდის იქცევა, ცა - ოაზისად და ლურჯ ედემად.

გაზაფხულის სიმღერა

აი, მიიღია ზამთარი, აი, მიიკურწა თოვა, აი, კერიების ზღაპარი – ჩქარა გაზაფხულიც მოვა... იამ დაამთავრა ძილი, მოვა ენძელების წყება, მზე გამობრწყინდება თბილი, წავა ყინვიანი წყენა. სხივი მოემატა დღეებს, მურამ აუწია სოლოს, ხიბლი მოსდებიან ტყეებს ძალა აღარა აქვს ლოლოს.

ბევრა დაიწმინდა შაშვმა, უკვე ხმები ისმის ღელის... ია მომაწოდა ბავშვმა, ია ჩემს ეზოში მღერის.





ს უ რ ა მ ი , ბ ი ჭ ნ ი ს ი , ტ ა ბ ა კ ლ დ ე


- კალათბურთი -

ხაშურის კალათბურთელთა გუნდი (ქალე-ბი) საქართველოს ჩემპიონატის ბრინჯაოს პრიზიორია

ამ დღეებში, დასრულდა საქართველოს ქალთა საკალათბურთო უმაღლესი ლიგის ჩემპიონატი, სადაც ხაშურის სასპორტო სკოლის გუნდმა შესანიშნავად იასპარეზა და ბრინჯაოს მედლები მოიპოვა. უკანასკნელ წლებში, ხაშურში, კალათბურთის აღორძინება მთლიანად ორ შესანიშნავ სპეციალისტს ირაკლი ბითაძეს და ავთანდილ ხვედელიძეს უკავშირდება. სწორედ მათი მუხლჩაუხრელი მუშაობის შედეგია, რომ ჩვენი კალათბურთელები უკვე სხვადასხვა ასაკობრივი ნაკრების წევრები არიან და წარმატებებსაც აღწევენ. და აი, კიდევ ერთი მნიშვნელოვანი გამარჯვება – საქართველოს ჩემპიონატში მესამე ადგილი ნამდვილად დიდი მიღწევაა. თუ გავითვალისწინებთ იმასაც, რომ საშინაო შეხვედრებს, ჩვენი გუნდი, სათანადო დარბაზის უქონლობის გამო, გორში ატარებდა, ეს მიღწევა უფრო დასაფასებელი ხდება. ჩვენი გუნდი, ჩემპიონატის დასრულების შემდეგ, პლეი-ოფში გავიდა და საჩემპიონო დაძაბული ბრძოლა თბილისის „დინამოსთან“ დათმო. მესამე ადგილისთვის ბრძოლაში კი შანსი არ დაუტოვა ქუთაისის გუნდს და 48 : 35 მოუგო. ეულოცავთ მთელ გუნდს, მათ მწვრთნელებს, გულშემბატკიერებს ამ გამარჯვებას. სექტემბრიდან, როგორც ცნობილია, ხაშურის სასპორტო სკოლის ახალი შენობა დაიწყებს ფუნქციონირებას, სადაც ყველა პირობა იქნება შექმნილი და დარბაზიც ყველანაირ სტანდარტს დააკმაყოფილებს. იმედია, ეს ფაქტი უფრო ხელშესახებს



გახდის ხაშურის ქალთა კალათბურთის წინსვლას. კიდევ ერთხელ ეულოცავთ გუნდის წევრებს ამ წარმატებას! სურათზე: (მარცხნიდან მარჯვნივ) ირაკლი ბითაძე, ნანა ნოზაძე, მარიამ კობაძე, ლიზი ბლიაძე, ანი კირკიტაძე, ვანო ხარაზიშვილი (გუნდის მენეჯერი), მარიამ პაშჩენკო, ნინო ტალახაძე, ნინო კობაძე, ავთანდილ ხვედელიძე; სხედან (მარცხნიდან): ნათია ბეროზაშვილი, ქეთი გრიგალაშვილი, მანანა ახმეტელი, ლიკა ტაბატაძე, ანი სტეფნაძე, გიორგი გელაშვილი (ფიზმომზადების მწვრთნელი).



ეულოცავთ!
საქართველოს პედაგოგთა და მეცნიერთა თავისუფალი პროფკავშირის ხაშურის რაიონული ორგანიზაცია, თავმჯდომარე ინეზა ელისაშვილი დაბადების დღეს - 90 წლის იუბილეს ულოცავს მე-4 საჯარო სკოლის ყოფილ, დეაწმოსილ, დამსახურებულ პედაგოგს, საუკეთესო ოჯახისა და შვილების მამას ბატონ **პავლე ტაბატაძეს**, უსურვებს ჯანმრთელობას და მონაგარის კარგად ყოფნას.

საქართველოს პედაგოგთა და მეცნიერთა თავისუფალი პროფკავშირის ხაშურის რაიონული ორგანიზაცია, თავმჯდომარე ინეზა ელისაშვილი სამძიმარს უცხადებს ქალბატონ ნაირა დვალიშვილს, ნატო ლობჯანიძეს და ნატო დვალიშვილს შვილის, მეუღლის და ძმის **დავით დვალიშვილის** გარდაცვალების გამო.

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.
E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.
P-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.